

**De Soliditate Virtutis In Religioso Societatis Jesu requisita  
Considerationes R. P. Gasparis Druzbicki, Societatis Jesu**

**Družbicki, Kaspar**

**Coloniæ, 1721**

Consid. 12. De occasionibus solidæ virtutis in executione officiorum.

---

[urn:nbn:de:hbz:466:1-60934](#)

& omnia tanquam de tuavissimæ prudentiæ Dñi  
manu exspectare, acceptaréque consuetcat.

## CONSIDERATIO XII.

### *De occasionibus solidæ virtutis in execu- tione officiorum.*



Olida Virtus non solùm Religiosum armare debet, ad Religiosè exspectandam acceptandámque dispositionem de se Superiorum, voluntatisque divinæ : etiam ad executionem officiorum impositorum eos comitari & adjuvare debet. Sunt enim nonnulli, qui imperata sibi officia acceptant, illi quidem utcunque Religiosi, sed eadem exequuntur haud equidem religiosè, vel quia exequendi illa usum non habent, vel quia ad ea exequenda, non propriæ, sed tantum alienæ voluntatis gustum adduxerunt, vel quia molestum, invidiosum, humile, censuris obnoxium officium arbitrantur, vel quia pusillo animo sunt, & respectibus humanis laborant, vel quia non diu se in officio mansuros sperant, vel quia commodis propriis, quibus inhiant aut insueverunt, in officio præsenti carere coguntur, vel quia per hoc officium obstrui ad alia sibi gratiora & destinata aditum putant, vel quia se tantum vexari seu probari oportantur, non autem seriò applicari, vel quia in eo de erroribus admonentur, quæ admonitio cum molesta sit, cupiunt carere officio potius quam moneri,

moneri , vel quia ( ut reliqua omittam ) hanc sibi extricandi se ab inviso officio viam diligunt, si aliud consultò negligenter, non ad mentem obedientiæ , non ad mensuram suæ sufficientiæ obtigerit , & ex hoc ad aliud obeundum inepti , atque adeo etiam amovendi judicati fuerint.

In hoc rerum atque occasionum genere , quomodo Religiosa solida virtus, vel exerceri vel possideri possit, sequentibus ex capitibus cognosci ex parte poterit.

Primum Caput. Non est subditi Religiosi judicare, sicut de assignatione ad officium , ita & de viribus exequendo officio paribus. Obedientia enim non aliter judicare potest, quam scriptum est: *Sicut audio, ita judico.* Ioan. 5. 30. de cætero judicare imperantium est , facere obedientium. Quam sæpè experimur, nos superioribus opponere impotentiam virium , qui potius sub isto prætextu opponimus refractionem voluntatis ! dicimus , repetimus: non possum , non possum , cum tamen illud nihil aliud sonet , nisi , nolo , nolo. *Mentitur iniquitas sibi* Ps: 26. 12. & quod non vult, hoc se non posse facit , enervatque vim obedientiæ , & fidem in voto Deo obligatam frangit. Obedientia non attendit, an possit, sed attendit, ut possit ; conatur etiam ea , quæ non potest , ut super aquas ire , leones capere, saxa movere. Dicentium ergo: non possum , excusatio nulla est nec audienda , sed urgendi sunt , ut experiantur , ut faciant quod possunt , & eum sequantur , qui ne perderet obedientiam , perdidit vitam. Constat experientiâ quotidiana

dianâ in Religionibus , virtute obedientiæ , ab obedientibus ea perfici cum dignitate , ad quæ facienda videbantur humano judicio destituti possibilitate . Sed hæc ( ut sic loquar ) non mirabilia miracula ( eò quia quotidiana ) delicate immortificatæ suæ voluntatis mancipia non vident , quia ad nihil , nisi ad id , quod sibi libert , oculos conversos habent .

In Religione , vitæ nostræ & actionum premium ab obedientia est . Unde nullum in Religione officium humile est , nisi cui non obedientia , sed voluntas propria adjuncta est . Melior est obedientia quam victimæ , 1. Reg : 15. 22. ait scriptura : & ego victimas non hircorum aut vitulorum intelligo tantum , sed etiam victimas spirituales comprehendendo . Nec mirabitur me quisquam , opinor , qui apud S. Thomam legerit & crediderit , ipsius etiam IESU Christi sacrificium cruentum obedientiâ commendari debuisse , ut gratius fieret æterno Patri . Quis hinc , quæso , sensus nobis , obedientiæ contemptoribus re , laudatoribus ore , voto professoribus ? Si quid ergo tibi ô Religiose obedientia præcipit , humile jam , & famæ tuæ scilicet noxiūm , derogatoriūmque ne dixeris , satis illud tibi obedientia speciolum effecit . & si tibi superbia tua dixerit : ne facias quia vile est , eris apud homines ex hoc contemptibilis . responde illi : Mentiris : non est vile , quod est gratum obedientiæ ; quis me contemnet , si obedientem sciet ?

3. Invidiosum officium , redde , exequendi modo , ordine , dexteritate , suavitate , diligentia usitatâ ,

usitatā , & cum praxi, non invidiosum. quod si id facis , & nihil tamen proficis , junge obedientiæ patientiam , junge constantiam , junge in obloquentes caritatem & beneficentiam. Vincit sapientia malitiam , vincit caritas invidiam. Deum in officio quære. Deum cura , Regulas officii tene , pro disciplina zelā , non errantes sed errores perseguere , linguis altior sis , respectibus humanis nihil da. De invidentibus , de detrahentibus , de molestantibus , de obſiſtentibus tibi in officio nemini conqueraris , nisi obedias ipſi ; idque coactus & modestus , excusans potius , non incusans; neque officium ideo deprecans , sed ex spinis rosas colligens , & mala pro bonis retribui tibi gaudens.

4. Officium vel ad horam commissum, vel post horam deponendum , ita serio & exactè gere, ut , si longissimè gesturus sis. Etiam in ultima hora obediendum , immò in obedientia perseverandum est. Etiam in ultimo tempore ac brevissimo vult te obedientia obedientem esse ; non est autem plenè obediens , qui in opere obedientiæ vèl ad momentum est negligens. Immò verò fine corona opus , & superioris temporis errata aut neglecta finali diligentia compensa.

5. In officio non sunt quærenda propria , sed communia. Officium enim cummune est , & aliorum causâ tibi impositum est , non tuâ. Ex magistratu oportet non ditiorem sed meliorem abire. Ab officio non commoda , sed molestiæ sperandæ ac metuendæ sunt. quippe labor comes officii est , cuius fructus is solum ad te pervenire debet , quod alii

alii tui laboris fructum capiant , tu verò deterius  
omnibus vivas , ut dicere possis : aliis inserviendo  
consumor.

6. Qui obit officium , non faciat sponsonem ,  
se nunquam in officii executione erraturum , nulli  
molestum futurum , nullius invidiam incursum.  
Nolit errare , nolit molestus esse , nolit offendere :  
indubitate tamen certus sit , se nihil horum evita-  
turum; proinde moneri & corrigi velit, nec velit esse  
homo , qui peccare possit , corrigere autem se &  
corrigi non possit.

7. Sicut de eligendo officio , ita neque de depo-  
nendo eodem , vult te Religiosa Virtus sollicitum ;  
tantum tibi sollicitudinem exequendi illud obeun-  
dique relictam scito ; cura deponendie jussdem , est,  
cujus & præponendi fuit. Non ergo ita gere offici-  
um , ut deponi merearis , ut deponi cures, malitiâ  
functionis. Ex duobus malis , malo officialem, qui  
repugnanter quid acceptet , sed tamenobeat fide-  
liter officium , quam illum , qui promptè in faci-  
em acceptat , sed re ipsâ perfunctoriè , & consultò  
neglectim , ut amoveatur ab eo , illud exequitur.  
Nam & ille , ore Dominico , Patris voluntatem te-  
cisse legitur , qui imperanti laborem Patri dixit :  
*non ibo , Et tamen ivit :* & ille rebellis judicatus est ,  
qui cum dixisset eidem Patri , *ibo , neque tamen ivit.*  
Denique quid hoc plus improbem : cum legam :  
*Maledictus qui fecit opus Dei fraudulentiter , an ne-*  
*gligenter ?* Matth. 20. 28. nihil refert , quia utrum-  
que facit , quisquis facit inobedienter . Felix ani-  
ma , quæ in Cruce cum Christo consummat obe-  
dientiam,

dientiam, etiam usque ad mortem si opus est, nec deponi urget de Cuce, sed alieno deponitur arbitrio. Cuilibet dictum credamus, quod uni alicui legimus dictum: *Esto ibi, usque dum dicam tibi.* Matth. 2. 13. Nihil æquè oderit Religiosus, quām obediendo non obedire, nam & fraudat Deum, & frangit fidem, & se se decipit, & officium corrumpit, & multorum communitati damnosus est, & Societatem fraudat, & Superiores contristat, & semetipsum in peccato inobedientiæ [ hoc est Idololatriæ ] confirmat atque obstinat. Crimen est, nec leve sanè, & periculo sum non parùm in Religioso perfecto, cogitare tam de imponendo, quām de deponendo officio quocunque. Nam perfecta virtus resignata est. Resignata verò, suī negligens, in sinu providentiæ Dei dormit, unum illud curans, ut ipsa quidem nihil curet, præterquam ut in sinu providentiæ & in manu voluntatis Dei, æquè in dextera ac in sinistra, dormiat, & in id ipsum conquiescat. Psal. 4. 9.

8. Tota aut præcipua administrationis officii ( sicut & cuiuslibet virtutis ) laus, in actione, & in efficacia consistit. Ideo officium committitur, ut fiat: fiat igitur, & fiat fortiter juxta ac suaviter. Scire, quæ & quomodo agenda sint, scire etiam bene & bona imperare, ac ordinare, multorum, nec omnino difficile est; at, quæ scias, efficere; quæ imperes, ut re ipsa fiant, curare posse, idque tam efficaciter quām suaviter præstare, hoc singularis reor prudentiæ, & solidæ virtutis.

Hoc est solidæ virtutis, in obeundis omnis generis

generis, ab obedientia impositis officiis ingenium :  
hæc etiam ratio , virtutis in officiis solidandæ. In-  
spice te ipsum , qui hæc inspicis; & vide, quām istis  
proximus vel remotus sis. Illud omnibus prædictis  
addere non negligens , ut aliis serviendo non con-  
sumaris ; ut aliis prædicando , ne ipse reprobus  
efficiaris ; aliorum salutem & perfectionem pro-  
movendo , ipse tua perfectione & salute ne priteris.  
In parte non postrema officii tui , pone etiam cu-  
ram spiritûs , & animitui. Quis enim suis ( præser-  
tim tantis ac talibus ) stipendiis militavit unquam?  
*aut quam commutationem dabit homo pro animâ  
suâ?* Matth : 16. 26. Carnis tuæ & famæ tuæ  
commoda , propter aliorum corpora , famam , ani-  
mas , perdideris licet : anima tua in conspectu tuo  
sit semper , ut non tantum detrimenti patiatur nihil,  
verum etiam ut incrementum sumat spiritûs  
sui , virtutis suæ , perfectionis suæ.



DIES